

四庫全書

史部

欽定四庫全書

欽定日下舊聞考卷七

形勝 三

補余光北京賦 夫燕之為都也 疊以太行五華之障
函以軍都湯峪之屏 表以岱嶧之果 之鎮騎以盤龍塞
雲之增帶以白潞渾源之川 擊以漳衛直沽之津 扼居
庸以制勝 若乘高而建瓴 擁燕雲以馭夏 若坐堂而俯
庭 挾關中于西阻 陋中原于四馳 卑齊魯之東藩 進吳
越于南陔 固華腴之上土 天地之宏畿 廣六合以為宅
極八表而橫披 封畿四環 開地千里 畧其遠形 即其近
鄙 則西嶽為壁 不下函嶺 滄海為潢 罔論長河 銀山崇
塘北壓 紅羅巨馬 連淀南迫 滹沱敷博 夾以中廣 歸雄
拔于周 遺龍翔鳳 舞以自天 玉帶銀山而盤 裁層巒擁

翠重岡飛丹埽巖虎眈巖玩後蹲左鈴右鐔排楮列千
則有翠峯紫蓋白浮黃花之山蜿蜒幾曲驚舉蛟騰懸
崖迴赤峭壁流青前昂後軒九折百磴則有分水八盤
摘星九莊之巖卧龍有崗彈琴有峽巖樓呂公崖壑菩
薩石經有洞孔水時發桃花有峪延朗掛甲峒旋白雲
谷迷石髮則是山間之幻奇幽明之吐握者也浩浩蕩
蕩涵淼無外瀆瀆淳淳躍龍擁怪歎霧蒸雲繆雄吞介
掀烏奔雷洶湧顛沛則有滄溟之海濕餘沃溢琉璃回
波桑乾逸駛易水縈沙九濟入沽玉帶淘之則有百會
之河百泉成溪玉澗成潭金蓋為淀直沽流曇飛放泊
淺駱駝港涵車渠之橫亢陂之湛則是衆水之藩別瑞
氣之瑩含者也海有神鼈巨蝓鼉負屢樓蚌珠擁劍八
帶甲鮓青鰭巨靈駕而往來海若鼓而馳驅奇鱗蛟
而變龍含利甦甦而化車長鯨負山而若漚修鯢吞航
而罔濡又有鵠鴈鵠鴈鴈鴈環薄于扶桑鵠鵠鵠鵠
渤海大鵬巨鯢扶搖于雲衢輕鷗脩鯢漂沒于澎湃青

欽定四庫全書

之流瀾為西湖則菱荷十里隱映天光菱花當鏡茭實
蓮房翠浪渺渺錦纜牙樯芙蓉曲島杭稻凌塘室通蛟
女宮浸梵王沙禽水鳥之翔集游鱗唼藻而徜徉宛都
邑之瀛洲遙南國之湖湘藪澤之滙別為南海則域獸
有垣按鷹有臺蔬果蕃蕪碧樹繁迴狐兔之所奔走麋
鹿之所踈貽樓煩轡弓而莫發快客控騎而相猜兕麇
驚而伏草鳬鸞駭而趨鵞湫上林于莫數蓋視雲夢為
瓶壘八荒貢賦四通而達其南則南金赤玉珠貝珊瑚
駭鷄火齊琳瑯昆吾庶土百珍集于天都越羅吳錦三
壤之租千艘萬艦達于張灣之滙其西則琳球琅玕熊
罷織皮碑礪鏐鐵璫璫毘毘能大宛名馬芍醬蟾酥千輪
萬轂屯于張掖之郭其東則銀貂白狐之裘海豹佐獮
之革果下青驄朝鮮弧韞來于薊門之磧其北則氈裘
皮革駿馬海青韓盧駝駃騠貉黃鼬度于居庸之陁夫
實土者物寶物者民寶民者國寶國者人故形勢強幹
而匪本賦產外腴而匪真伊都邑之赫奕繇人物之駢

臻故古稱幽并多感慨豪傑之士有沈鷟文雅之名伯
桃併糧而濟友劉沈重道而薦朋則友生之風近諸古
也網成却應而相泰刪微用信而下齊則宏辯之雄冠
于時也晚見而速成者徐樂之說行也進道而願留者
寇恂之才厚也蓋延國形于雲臺盧植養晦于上谷佐
漢于流離者賴張飛之義勇輔晉于丕盈者孫張華之
盡鞠躬盧元雋首于北海宏策制勝于建康則文學華策
之雄莫能方也照隣列名于四傑盧鴻擅芳于二盧則
詞藻節槩之流無以踰也崇文破蜀以興唐劉蕡正對
而落第則武畧直言之磊者也趙普相宋以平邦磊遵
晦鎮邊以服遠則沈畧宏度之卓卓者也呂端處大而
不渝世傑臨危而罔變則宏亮忠節之耿耿者也他如
知古張儉之在遼企先韓昉之任金天麟天倪之佐元
圖事揆策各盡其能上觀于古下逮于今既強且盛既
庶且殷勇者不乏賢者如林強不在勢力不在點得入
以寔重譯奉琛奎壁旅于箕尾王氣淪于析津自靖難

欽定四庫全書

卷七

于南邦復親幸而北巡相殿土於天空用改營為紫宸
距雄關以四固時高臺而陸臨于是爰謀厥衆僉云其
良卜諸龜著協兆允臧既幽明之同孚乃籌度乎短長
始自南而北伐恢中宇之神州繼定都以控朔較殷遠
而遠猷考廟制之宏偉自文帝以規方商豐約以析中
準南都而為量載觀其外雄琛倚角業業巍巍遍觀其
中里閭襍沓翼翼通九門以懋懋巍巍萬第而依依
營賓館于千坊開厓市于九圍聚百貢于通閭商賈貿
而初祥闡闡設以周旋質劑平而罔違散則衛營星布
而閑以鉤陳統則府部峽峙而附以蘭錡爾乃崇廣宇
以九筵狀寵從于不周架長虹于碧水若蒼壑之騰虬
立天柱以表目曉閭闔以立杲端紫宮而崔嵬架瓊閣
而雲浮築增城以回截比金墉而相侔龍首齊而涌雷
雲雀矯而踞薨俯大行而結構凌太虛以呼噤內則文
華罔下于玉堂謹身實陋乎宣室昭和實邁于長年神
仙不及于崇智朱鳥匪耀于崇光麒麟豈瑞于無逸奉

先時勤乎駿奔欽天儼臨乎上帝亶敬孝勤肅之煌煌
匪傾宮瑤室之為麗于後則闕道穹窿掖庭披瓌瑩若
朝霞之流檻髣若佐雲之舒霓樂極疊旋而錦布壺術
幽闔而若迷戶萬門千永巷重閨倚窅窳而眇然撫珍
樹而猗猗惟保真于溫室乃西南其戶楣若葢宮之璫
璫絳珠王而大齊圖雲物而變化畫仙靈而披離又其
西則太液涵玉波而蕩漾春雲繞瓊島而幻奇海屋渠
而隱繼廣寒擁碧而倒垂清馥芬芬而舍翠寶月溶溶
以獻卮錦芳臨汜而湛綠玉蛛跨石以飲渭雜芰荷以
游泳渾魚鳥之忘機天子雍穆與時咸和于茲清暑遂
即素波飛彩鷁以輕颺垂翟葆而娑婆建羽旗以搖曳
恍溯洄于銀河或齊棹女或縱權歌優游容與載咏哦
亶瀛洲之蓬島奚羨月殿之遊遨乃聖王之偕物調玉
燭而淘淘又其池之北有萬歲之危峯凌霄漢而隱闕
烟樹靄而蒼濛又其峯之北有海子之汪洪望之若江
鄉之渺渺涵之乃樓閣之重重是又世外之佳境覓塵

欽定四庫全書

卷七

宇于罔同者也爾其大則築四郊以分祀通天地之神
明重則建九廟以追遠格祖考之精英勤則亭幽風以
親藉躬勸稼以叩解儉則開蘭宮以補練臨蠶館以勸
嬪要則歲皇史以崇錄鑑萬世以守盈斯皆脩累朝之
曠典補周儀而復增破迂儒之沈惑正舛廢于再清乃
躬修元默風夜踴躍戒虎賁以清道驅徒卒以除闢乃
召宗伯酌儀損益乃諭太常脩樂祝冊乃命御史省牲
視帛以嚴褻黻乃命卽將列屯布營以森戈戟至日乘
玉輦駕蒼龍冠通天以崔嵬服元袞而穆雍孰蒼璧對
蒼穹奏鈞天擊圓鐘終九成而協律舞八佾而翩跹儼
天帝之歆降臨瓊臺而冲冲崇既燭而神格乃回鑒于
紫宮慶大禮之有成謙羣僚而融融伊方澤之將事儀
弁之變而齊同既祀四郊乃崇六典當陽春之載熙親百
卉之蔓衍召農官以備耒戒田夫以脩畎思無逸之攸
重爰命駕以乘輦值馮相之下吉靈威首于芟剪呼攝
提以先驅奔豐隆為後殿介士鳴鉦而建鉞虎旅冠鷩

欽定日下舊聞考

拱聽信帝王之學與韋布而罔倫既乃靜修天室時幸
文華開經筵以進講列學士而搜選探真腴于簡遠測
淵海于津涯延輔臣以詰問若憲老而罔加爾其九重
拱手堯舜八座列于畢夔禮行而民革樂備而物怡仁
風拂而遐荒溢化日長而幽谷曦天子方崇文德不事
武奇誠以憲祖歡以偕時與民睢睢雖與物熙熙遊田射
獵之好不騁吞刀吐火之技罔施沙棠木蘭之舟弗制
魚龍角觝之戲奚馳于是黃河清甘露凝白兔皎皎白
雀來庭白鹿呦呦百祥是紉德協兩儀瑞應十禎聖王
罔以為寶而加志于持盈春秋代而彌隆遐邇瀝而監
蒸既齋賜于農扈乃勞賞于車從薄五申平三令扈騎
士而進弓卿樹表而小政授鉦鼓而控聽示以陣形節
以軍容牙旗分布于烏雲勢分鸞鶴而采鳳蒲且滿鼓
而不發樓煩伏矢而窺我上將披駿而仰視倏鳴鏑而
墮雙鴻遂命解采弛若撤隊回駢效三駟以成禮不剪
羽以窮奇慕太乙之三面懷萬物以化齊且歸來乎腹

吉逆滋至之天庥為無為而德湛與黃軒以優游是故
仁無不懷德無不柔文教與佐風而並翔至化與大造
而嘿遊太階平于八表玉宇涵于九州豈登三而成五
孰云遐述而莫可以匹儔況九廟郊陵之建匪若阿房
之事遊觀謁陵恭祝之巡匪若上林之縱射獵蓋王者
之典咸備惟聖人異世而合轍將使煥乎其有章而陋
百代于罔軼彼蟋蟀之云何抑駸駸于儉嗇由是觀之
則地勝者居皇聖國寶者多賢良兼東西與中都而並
較猶未若茲土之無量然則宜奕世之神庥咸作京而
坐朝堂者也

兩京賦

補盛時泰北京賦 巍巍燕都冀州之紘分在尾箕析
木之梢入燕朝以建王肇丕迹于佐軸皇默運以持衡
庶潛祈而兆域紫微韜約以含輝太乙翕雪而拱率故
望氣者踞踏輸悃命卜者屏營掩祝蓋常覽夫形勝總
環瀛之要害抗萬垤而建瓴在高辛之述世已昉號于
幽陵及下迄于軒轅戰蚩尤而底平虞夏商湯易稱朔

方武封堯後以冀為疆召公起燕藩屏用昌自秦漢而郡縣歷晉唐之雲擾實恭待乎宏造邈惟南征鞠旅而踐既正厥稱邦畿允奠定理條疆分途異縣配南都肇北京納儒臣之懇請設行部之新名易順天之崇號應大興之符稱于是丕蹟閔開前後角倚樹疆表裘聯環並峙左右起伏矗嵬連起建學校新宮圓文武錯列輻輳輻輳現肖矩倣視南益詳街衢巷街宮宇橋梁闕閭市廛翼接鱗翔塚廟庭宇古今萃藏將以猷歲躬受方賀肆赦蠲罪蘇奸釋過忻兩都之並錯措天下于一家商邑冀而靡頌周京顯而匪誇沛遐惠于西埏遂都民之榮康給農苑于遠路用樹植乎農桑載男耕而女織泥樂土之相望忻漕運之廣濟儲邊嶠之積糧貴竹貢而置輔交趾悚其內降伊絃歌而管誦抑濟濟以踰踰遂因官而論次偉羣績之恢張海宇顯其再輯黎庶被以重光覃疏流于外國咸矯首以來王大巖山呼騶虞麒麟野冀作爾元兔未馴嘉禾屢穗海宇和平黎庶鞠

有忻然如春于楚卻封禪之請謝金火之丹毀方秘之
謫賜免書之絳集儒臣纂經史詮六經之要道數千古
之精理罷滄溟之轉運藩郊圻之技圍因時屢登大敵
驚山宴輔弼以既醉沛醴澤之宏寬製新曲以示藻又
大惠乎鉉函及乎午日乃游東苑觀毬作場視射成讌
車騎集蹀躞索韜萬柳偃旌旗高賦聲詩以紀惟永昭示
于泰縹念烽火之未靖久為患乎邊城時跳梁而躑躅
敢窺覲以橫行憫生民之被禍將大肆乎遠征嚴威迅
發萬輿適啓大漠荒陲開營壘迅剌擊之猛利乃奏
凱歌擁衆以旋塵凝警謚威聲四挺北斗南瞻清泉神
應確統承緒端拱垂裳致海宇之寧謐降渥惠于四方
自乾清御皇極建九旂臨萬國鷄人未唱擊鼓定時銅
符初闢魚鈴局匙宿衛紛其未散羽衣聳以來齊南象
導路代馬引遠豹尾在後森列徘徊玉節止肅寶纛示
威黃旄絳旛旋繞相隨班劍儼其冰雪儀刀凜其鎗鉞
羽葆團以婉轉金錢耀以菁蔥團扇紛其掩映曲纛屈

以從容龍戟列而如迅熊旗繞而縱橫大駕將陟武備
后列丹陛之駕馬步之輦玉輅大輅于焉簇簇馬雲
莖而霧繞者不可仰觀于是司隸稱警鳴以條狼凜內
外之井然人持冰而沃湯鴻臚傳唱萬方畢集宗伯捧
玉蒿呼海溢覺天地之高厚忻日月之朗光見蟬貂之濟
簇擁環佩之鏗鏘既伏拜而舞蹈又頤頤而翔翔聳蹕
踟而怵惕見萬疊之翕張垣墉峻峙匝匝凌兢羣翔窮
赫奕嵒嵒增聳金被錦圍丹見青色煜煜而成紫又雪
灼以為黃或燦燦以為赤抑燿燿以成光肆果置之四
繞羌葩晶之燁煌階盤施而自轉橋矗抗以回杭廟婉
遠而散陟戶鴻洞以崇祥石瑩明而若琢斲平直其似
霜瑩烜燄其勝霞粉皆白其若瑒林蔭聳其上仰梁嗟
峨其橫當紛海藻以為飾盤龍珠以吐光豈僅般之人
巧殆雷電之天工屯紫塢于刻桷盤赤虜于雕楹虹揚
眉以指棟鵬矯翼而飛薨綺葩吐乎遂井渥彩爛于疎
樞絳霞影于網戶金雀棲乎觚稜儼軼翺而下啄疑軒

欽定日下舊聞考

陟之公重祖宗之憲嚴邊防置京儲督漕運謹市虞罷
遊燕御講筵日淵嘿之燕居豈輕輪之暫旋凡諸可遊
矚以備一時之旋駐者莫不局金輪以鐫封合魚符而
不放恣草木之叢茂任禽鳥之沐徒岵岵凹凸鼎屬齟
齬膠葛蔚蒼苔封蔓絡複磴洞巖豁開磊落達道委而
暫閑駟馬停而不駕玉蟬峙以拱護金鰲萃以孤鶩堆
雲凝而不流積翠高以生寒瓊華宵其聞寂承光艷以
回環廣寒虛其輪困飛鯨戢以羽翰雖玉泉之縈抱亦
流水之空瀉蒲葦蒹葭菱藕雕胡鱗遊介泳任其自如
于是散步環藥觀于列署則隨長安之左右列文武之
職廬表裡森其對峙咸拱繞而扶疎擁前後而聳列環
玉河之通渠見左右之並置亦速近之聯裾仰以法乎
周典俯以效乎商模列六御于左省建五軍于右隅院
以玉堂為署寺以奉常為胥醫藥星厯太僕鴻臚縣隨
府而遠控衛與學而各殊內鈐各衛外總諸營統貔貅
之精銳簡戈鋌之煥旌置給舍于廊廡帶太學于隍闕

開九門之通衢週里回之四十峙萬雉于千層莽縱橫
而曲直前列其奇後峙以偶左右並聯各互為耦鎮以
重樓層以飛甍疊堦壘以曲檻互欄楯以相通遊蹬宛
轉睥睨蔽空廬舍巡演漾深崇開洞備其卒急魚鱗
司以晨曉抱關察其馳脫衡衡貫其四街乃有九衢往
步與馬肆雖沙堤平以曲折昏曉湧其成聚市肆星羅
遊入耽玩橋梁濟類萬邦酬券冰蠶作繭雪鼠成絲火
院為布紋龍織纈番絨蜀錦烏連越綿海陸俱膜草蔬
咸奇伎藝精工戎裘各宜酒汗則帷幕生飈摩肩則海
濤成壑呵氣則鬚柱消冰轉日則睨光迅電誠鋪集之
盛區乃問閭之美既廊廓新築用街閭閱乃環旋以拱
護益永北乎神京立七門以便出增崔巍以均宏路覽
賢以敬遂勢陡峻以峻增設壘礮以作衛儼電擊而雷
轟前坂日衍後莫彌阮宜漫作之是既實貽世以康寧
茲密總而論之通畿甸達京輔內都邑外荒服雖古昔
之攸同惟茲地之獨武近則倚昌平以為春故范陽以

為胸臆山海以為帶擁上谷以為屏唯玉河之溢激貫
周迴以為經若諸水之蓄洩視高下以流狀百泉湧流
而穴漩孔洞住垂于深谷遠則據岳鎮之中軸勻東西
之勢雄西以華山為虎東以秦岱為龍南岳南鎮益遠
益隆五嶺作案于嶺表江河襟帶而朝宗展明堂于奧
海拱朝拜于羣峯以此而較往昔堪輿之比崇自洪
濛之初闢奠河山以為界天勢崇于北極地維虛于南
蓋引日星以上騰導江河而下派法天明以居高控地
雄而作帶故南北之相望誠控馭之雄傑昔姬周之豈
島每侈詠于詩書豐距錫而一水又河有于雄圖况嬴
秦與劉漢異政論乎訂讐若嗣此之鼎建咸分集于一
隅雖迭興于前世誠遠讓乎雄紆故散如布基聚如運
掌分列省以成疆合連襟而成樞如堂視地類腰走項
誠高厚之拮据乃金湯之修攘方輿如此是以足尚若
夫土風則東樓茂之淳資賦勁勇之正性豪傑挺生熟
庸克靖朗烈悲歌沈鷺鎮靜文雅寬舒傲宕平定至于

民俗尤為繁富財貨充溢四方罕覩以難獵為輕肥耽
韶素為雄武出則輻惟高寒遊則金翠如堵人幕面而
障塵士垂綃而避土或睚眦以報仇抑推理而作旅通
名姓于禁中任榮枯于吹詠惟階侈之是營豈禮法之
可阻司察避其昏酣乘驪難其羣伍晨闕雞于廣陌暮
踞馮于深聚蹴踘則千里為羣為錫則飛走成府詎貴
璫于要津亦近咸與雄族任俠者履不容旋鼓篋者車
不停軸忻冠蓋之續紘總邸舍之填簇節序則時當寅
令賀正為始彩燕為簪春盤成俎祠太乙禁火炬春序
將過墓祭成侶逢午散騎置巧陳瓜騁望郊垌乞巧天
姓因陽九而登高為冬朔而設炭忻長至之屆臨喜陽
生于一線迎騰祀竈驅儼設宴看冰池于署官欲番育
乎鵝鴈雖舊俗之可傳亦真膺之難辨棄衣屨以送窮
燎草竹以成薦本度朔以畫桃因除虛而設奠若日忌
與月忌亦隨方而異宜總四時之全氣合四方之所奇
風霾則塵沙眩睫霖雨則阡陌成泥雪落則鵝瘵裂掌

水結則柱矗如旗以臺榭為登陟用苑囿為陂池因陋
伺為環繞庸沙渚為藩籬雖坊市而共處隨冠筭而相
嬉五陵讓其豪俠四姓失其光儀地土山藪殿類實繁
擾畜甲于四方策試疏其援植虎刺班于楹栴蘋婆甘
于朱禽朱櫻素柰香水黑琴桃李梅杏安榴丹椹黃芽
赤根石菌天花蕪菁若蓮螢苔茄瓜薑芥蘆菰水蘇韭
芽欺江南之蓴菜邁南國之鮭鰕列于一市山獮海獮
原貂隰楚姑畧不言用戒登俎惟有人才世所軒軼三
代而後七雄為烈二京三國扶剛抗節左羊而後代有
其傑樂毅以寸書報燕荆卿以匕首泣血田光以刎頸
寔交蔡澤以片言取捷河間以被服擬儒中山以聞樂
運德神佛方技殆難指陳至于古蹟惜多湮淪遺故都
于軒轅指孤竹之令聞悲廢宮于碣石想寧臺于荒荆
雖巨公之學所亦蓊莽而沈淪獨王粲之釣臺猶稱名
于花村雖有深谷于誰生黍雖有甫田伊誰種玉徒紅
螺之吐先空青蛇之應祝變幻無常雜沓難述故自薄

海內外綱條目定較如畫一整肅嚴翼天旋地靜垂萬
斯年金甌固競勝周營洛邁漢作京視唐已拓較宋寔
宏建帝王之全業成刻守之令聲合天維之四
時盡地埏之八瀛益萬世而永寧也 二京賦

朱昆田原按余古峯盛雲浦二賦文不足存慮博聞

者以為絳漏故節錄之

補陳敬宗北京賦 惟聖皇之建北京也紹高帝之鴻
業啓龍潛之舊邦廓天地以宏規順陰陽而向方準四
裔以布維揭八表而提綱粲星分于箕宿映黃道之開
張壯天險于居庸亘重關于太行會百川于遼海環河
岳于封疆拱北辰兮帝居陋鞏固于金湯均萬國兮會
同而適居天下之中央也于是頌綸音建皇極布深恩
施廣澤捐內帑之金錢出天府之玉帛賚工倕錫匠石
惟聲傳衆奔走萬國雷動雲興紛紜絡繹忻忭踴躍各

欽定四庫全書

卷七

供厥職遂選材而度物資百神以興集魁奇挺拔千仞
之名材五色五采希世之珍特輦載旁午舟運充斥紛
河輸而海會肆邱嶽而山積爾乃太史告吉司空奉策
魯班運斤公輸削木智者獻謀勇者宣力精論巧思悉
就經畫百堵皆作奮擊鑿鼓之弗勝庶民子來咸頌靈
臺之勿亟歸壯麗于崇朝睹崔嵬于瞬息前朝後市之
規既肅肅而嚴嚴左廟右社之制復亭亭而翼翼布列
有序不爽寸尺妙合化工莫究窺測其正殿則奉天華
蓋謹身之尊嚴翊以文樓武樓左闕右闕之增屹開千
門兮萬戶帶岩廊以迴縈臺百尺以截嶽重三階以躋
登屹中天以層構抗浮雲而上征激日景以納光耀丹
碧于紫清觀其瓊階瑤砌赤墀彤庭青鎖金鋪綺窻珠
櫺鏤檻文槐玉砌繡楹時丹鳳于阿閣棲金爵于觚稜
懸彩虹于修梁躍蒼龍于飛甍含靈曜以欲翔望北辰
而高興飾華棟以璧璫綴珣簷兮列星彤霞映紫楣之
葩萼薰香鬱椒壁之芳馨日華麗文拱之玲瓏空彩鏤

采蕙之晶瑩三光臨耀五色璀璨壯麗穹窿莫罄名贊
憑鴻濛以特起凌太虛之汗漫爰業乎雲霞之表巍巍
乎層漢之半遙天闕以益崇炳祥光而增煥目炫轉于
仰瞻神恍惚于沅盼雖使都盧之巧捷不敢以躋扳翔鶴
之扶搖不得以鼓翰此誠所謂曠千古之希逢超萬代
之奇觀者也其前則九門洞開禁車路如弦軒豁豁
坦坦平平望國邱兮峒崑接靈壇兮山川昭神貺兮景彰
揚瑞彩兮靈烟啟大明兮當中翼長安兮東西森拱衛
之嚴密列周廬之遙迤雄雪霜于戈矛揚鷹隼于旌旗
選鷗冠之桓桓精百萬兮熊羆維方叔兮召虎蘊謀畧
兮神奇聯金貂與玉蟬紛為奕而光輝雜冠佩兮超躋
蔚百司兮威儀各據忠兮獻納亦覃慮而論思天官之明
衡鑑司徒之謹度支宗伯之修禮樂司馬之整六師扶
官之邦刑是慎司空之百工惟時羣僚濟濟各謹攸司
大小率職庶績咸熙其後則有太液之池萬歲之山琪
樹敷榮金芝芳妍翼鳳飛兮絕嗽波龍鱗兮澄瀾聳靈

峯於天上流惠澤於人間其右則乾清坤寧之宮太乙紫微之所壯皇居于九重肅句陳兮天府若夫蓬萊方丈之神區閼苑瀛州之仙宇臣竇昧于見聞不可得而殫數其左則為文華之殿鶴禁清宮玉葉金枝儲副是崇講道育德惟孝與忠體文王之三朝謹視膳之禮容又其左則有石渠天祿之閣金馬玉堂之署齊濟逢掖戎我章甫講說六經之言談論羣書之語斟酌禮樂之文涵泳仁義之府莫不欲笙鏞乎治道黼黻乎皇度至若靈圖之所蓄亦雜沓而紛綸麒麟之振振騶虞之霜霜白象之瑩潔如雪金甌之威猛如神顯靈姿于龍馬逞奇文于福鹿絢綵霞于丹鳳胚元兔于蒼玉鸚鵡之色維黃素鳥之質耀霜紛珍異之炳煥咸獻瑞而呈祥化若內藏寶貨之充金玉珠貝之富象犀虎豹之雄驄駢驥之庶國家富有萬國茲固瑣瑣不足數也其外則都城列兮萬雉開十二兮通衢蔚邦畿兮千里比百萬兮民居接棟連甍溢郭填郭藹藹鬱鬱密而不疏邑

里錯分別隄分區四民樂業室家歡娛農務乎耕桑士
究乎詩書雖工及賈懋遷有無百寶之所充斥百範之
所崇積聚金珠兮列肆聯珠綺兮阡陌珊瑚琳琅玳瑁
赫奕飛畫棟兮綵霓謁王侯兮第宅填車馬于闐闔紛
雜沓而紛紜舞榭與歌樓樂鐘鼓兮昕夕載瞻辟雍
學宮遙迤邐穆乎宣聖之廟肅肅乎羣賢之祠崇祀有
典釋奠有儀歌棧模以作人偉髦士之攸宜贊朝廷之
禮樂炳道德之光輝于是經營既終厥功告成方青陽
兮屆辰逢吉且于元正于時萬象維新三光以明麗慶
雲于璇霄燭祥光于大清皇上服衮衣乘鑾輅設警蹕
陳鹵簿翠華葳蕤颺雲飄霧潔精誠寡思慮奏雅樂諧
韶箎謁郊廟告太祖香必芬其上升靈昭昭兮來下眷
肝膈兮方集綏萬福兮純嘏于是升金根旋太常御正
殿開明堂朝百官臨萬方會諸侯陳玉帛旌淑慝明黜
陟然後布德和令行慶施惠錫高年兮上尊進賢達于
庶位敦唐虞之道德厚湯武之仁義興三代之禮樂熙

漢唐之功利炳玉燭調元氣協重明于日月侔化工于
天地使九州八荒含齒戴角之羣四方萬國懷仁負義
之士莫不熙熙皞皞于泰和仁壽之域仰事俯育于漸
厚涵煦之內此誠所謂恢鴻業于千古開太平于萬世
際與圓而覆載大一統而無外也是知國家萬萬年隆
盛之慶皇上萬萬年高厚之壽聖子神孫萬萬年無窮
之祚蓋與天地同為悠久也 澹然居士集
增采悅北都賦 聞北之為都宿屬于冀地名幽州神
堯之聖域召公之賢邱地勢崇崇駘蹠莽莽聘齊魯為
衽服趙魏作旒旆東阮迢迢而左達大行巍崖而右道灝
灝無涯峻峭莫傳天合其所人疑其續築城伊瀝作都
伊正規乾準坤以究安宅五門環環千廬抗抗雙華媛
媛丹闕額額時以文武列于順振東連宗廟西靡社稷
南薰仁智前經紅祥思善翼善左輔右弼奉天前途斷
斷特持若圖悅之無極華益中莊錯錯碧碧若若春盎之
可即謹身後擁瑰瑰赫赫若混沌之未剗悉助其稱悉

扛其盈刻柱乳楫巨纖初墀檣禁楸疎戚劉進陽棲
其正陰止其冥懸魚棍凜而下垂拒鵲嬉脾而上騰彼
枹枹之雄梁駁崇熾而獨承羣材屑職渠渠通成游衍
之區爰營西苑泓以太液之淡淡峙以瓊華之池池
則汪汪漫衍滌演潭沱楊以江華芙蓉點以芳藻綠荷
含英吐華榜秘薰波島則峴嵴磊砢弗鬱危瀾太湖輸
精武康貢英薄平泉而不即眇民嶽而弗登迺築崇基
殿以廣寒古柏十圍矮松百盤俯雙橋之十柱仰萬歲
之層巒南端之中亭館綿延連以綺錠復以粉智東南
其戶寒暑攸偏涼登洗髓之域和躋浴沂之天惟南有
圓釗到堤堤臺呼名鴈蹄前雲齊規以楣垣衛以危柱
佳實累欂櫨木垂袂幻靈芝之萼莖茁紫脫之萋萋蛟
息蛭動驚擊獮超或并命而比翼或兩額而三蹄以至
大月一封之駝黃支獨角之犀昆明吐金之鳥三佛吞
火之鷄天山識樂之帝江哈烈弄瑟之拔倪亦安薛公
之鞠養受毛邱之羈縻環以靈沼劃以崇溪水禽淵魚

隨方雜錄悉函負于恩澤勅
鴻燭而敷祈 淵鑑類函

朱彞尊原按桑悅馬斯臧黃罷先帥機皆有兩都
賦因借抄未得俟補錄

臣等謹案馬斯臧黃罷先二賦俱無可考桑悅賦
謹遵

淵鑑類函所載增入帥機賦謹據機所撰陽秋館集並
增載于後

增明帥機北京賦 夫燕山之為國也分野雖乎其尾
禹蹟首載于冀州厥賦惟上常山在其左太行逶迤而

迴障夾石礪石遼海入河而潢漾是故蘇秦嘆其天府
之國杜牧稱得此而始王爾乃壯枕三闕形勝百二南
界青齊色路晉魏古北居庸巉峒虎視跡造陽而包元
菟首九闕而維地脈窺睨息心狡焉辟易其餘小關
沙磧山形繚亘峻深通岡疊嶺原野夷曠緬邈其田可
井艮位東北析木天津萬物始終之所必因東則冬春
之交蒼龍出震北象衆星之拱辰昔者軒轅氏體元立
極擒蚩尤于冀此焉定都訪道崆峒國若華胥攀龍鬣
兮上昇墜遺而號烏黃雲亦龍寶唐侯之瑞功德參乎
天地殂落而天下大寒歷數千載而鸛語表異後封于
薊嘉其為神明之胄帝王之首名公分封于燕千八百
君繇祀九百而獨久原夫燕都黍谷中原極北兩漢以
來或得或失晉氏渡江此地胥淪慕容拓跋後先竊據
李唐混一始歸臨馭祿山包藏不軌起兵范陽擁衆十
萬承笑鵠張縻沸雲擾幾于亡唐豈非負隅憑阻士馬
之精強歟藩鎮跋扈河北擾亂王室遂罕樊川以之而

興歎石晉歟孤無君割盧龍十六州以媚人尋反面違盟俘其弱子如搏豚鼠實基禍稔惡神人所憤怒趙宋積衰力不能取耶律內訌究顏欺侮蒙古氏奄有四溟統紀遂絕豈非失此之故歟太祖龍興濠淮雷驅草昧爭元塏之精系顓頊之裔受命穆穆清聰明睿智實應河圖之瑞豈五百年所可見生民以來未有二天兵起于東南所向無敵席捲中土長驅直北出黎元于塗炭謐四海之羣飛貞觀于焉而顯定懸象既闇而重暉道格上元功清下躋紹神明之正諸雪晉宋之詬辱九邊延表規畫周全豈一日忘敵而偷安哉念勞民不可以重困恐運餉之艱難瘡痍甫定暫駐蹕于建康而息肩匪誇衣繡而戀粉梓計不得以已也成祖龍章天表珠斗玉衡有命自天受冊北平既靖君側之惡成變通之能神龍豈甘于泰養大鵬思奮于穹蒼風流不足以羈哲后榮色豈可以炫明王習北平之風土直俯視乎建康惕五將之敗沒鑒江左之覆轍北制南而一統南委馭

[illegible]

之規模伊汝伊匹壇廟首建層城廣此五門洞開次第
峻增萬方之所輻輳朝賀之所必經爰有正陽大明嚮
離重光奉天漸高端門將將樓名五鳳下臨無地冠雲
飛窻燕雀欲棲而恐陞羣鳥朝暮而集翔掖分左右華
設東西複道縈紆而觀移萬戶赫戲以焜煌飾金碧而
非奉雜勳堊以景彰殿則華蓋護身文華武英皇極中
極世宗易名青龍蚡蜺于東廂白虎踞于西清前後
覆蔭夷墮周章彈誰中于貴鼓書或憊乎仲將侈非井
幹儉陋斯千畫虧赫日夜接廣寒察之無際視之無端
擬天近而地邈信鳳翥而龍盤宮則慈孝仁壽乾清坤
寧大內深秘不可殫稱莫不瓊窻繡戶寶樹瑤甍順陰
陽以開闔辨方位而縱橫微竊窺于桂闥朝命婦于中
闈鳴環曳履共瞻淑姿統理陰教實惟母儀爾乃盛夏
含凍沆瀣冰壺隆冬負暄溫谷樂都喬木千章百仞蔭
乎周廡荷流香而感鼻鶯聲離乎笙竽游烟泛乎蘭水
冷風薄于綺疏雲漢迴于梁極虹霓帶于焚楣玉女攀

星于網戶仙娥納月于璇題西苑持盛爰自世宗殿名
無逸亭扁幽風齊居決政務本重農我后好約于焉休
憩雖遠殿廷罔敢怠廢又有金鰲玉螭御水分溝波光
搖漾禁籞周流駕鶴唳兔驚沈浮芳塘含春曲治澄
秋絲楊被浦香莊盈洲順時張弛以遊以遊乘龍舟而
上下疏飽滿以夷猶又有南北海子惟水決決蓄畜鳥
獸洽洽泳翔淵澄不濁品物遂昌義取三驅樂無太康
非上林之侈奪豈羽獵之淫荒極北之地四時代序春
深則燥土多暘風融氣出雉鴛遷花穠草密夏至則
北陸臨胸火德靡忒伏陰莫干雷雨滿溢秋則大火初
流殘暑遂去霜露以時淒清順度冬則沙漠纖寒長風
負雪屠冰衆衆膠勁膚裂雖時過于虧盈然未若東南
之偏戾夏霜而冬雷春凋而秋榮也唯燠少而寒多故
土密而氣厚其人無不杼首箕口高冠長袖驍健武勇
沈毅質直背如負鍤豐偉碩碩東望永平孤竹風清抗
希代之奇節擅百世之令名引壁脫柱之壯寒風易水

之歌望諸悲乎昌國思趙泣乎庶頗崔盧則濟美文獻
鄭元則集括山河聖水連馮餘而阻關仙臺望臨海而
嵯峨出郭門而登眺直憑陵乎宇宙望宮闕乎雲淪見
山川兮錯繡滄海之秋色決滌陵壑之風氣深茂于是
乎物力堅好都鄙淡冶烟樹連雲黍麥被野棗栗稱乎
蘇秦筋骨著于爾雅漚池汶香稻而薦御泉源出西山
而注馮冀之北土素產良馬往往絃絃輻輳轉羣飲
源槁迴食野豬編戶成羣方春游北百里之間輪蹄絡
繹馱鈴之聲晝夜殷軫引重致遠摧鋒陷陣雖驚駭之
不同然取之而莫盡也至若九劇三條五都之市貨物
隄分珍玩鱗萃富如武庫爛若文肆紅塵合沓紛攘繁
麗于是五侯貴胄游俠公子子都妓好魑魅風美黃金
作埒歌舞不已鬪舞不已鬪難走馬華佩霍靡至乃花
朝陌暖月夕波長燕姬趙女靚飾明粧經輦道而鑿珊
蹄河橋而婀娜托親寧具恣眈駕驅疾以騰城爾乃大
小九卿傲乎周制門施行馬爵聯闕雉有要有紫有統

有隸銅渾測曜靈臺占氣銓敎人才籌儲國計禮樂刑
工展采錯事府部詰兵魚書羽衛臺省論思出入禁近
職司封駁官稱雄俊時惟仲春歲當會計羣百群之庶
考集四海之計吏共高柱玉之名咸慶風雲之會乃有
翰林清選秘籍探求石渠紀述天祿校讐珥彤書笏盈
練積籀辟雖太學育士成均尊禮先師統一聖真內閣
尊崇實惟補袞既備顧問亦師政本咫尺天顏朝夕櫺
植腹心帷幄統乎鄉尹乃若扶桑曉色金闕曙鐘仙掌
承露閣闔生風清道若聞于天上雞人似唱于雲中星
拱微垣驚振周難序列千班快覩宸容載御文華陳說
經史堂陛泰交公卿列侍廣詢民瘼講求治理景移迴
輦朝下鳴騶朱輪文茵繹絡道周蕭欣朱公兮結綬田
怨實而傾席大澤并育乎龍蛇深山兼藏乎玉石小大
異分清濁殊質巧拙邪正之不同博雅孤陋之非一蓋
自昔而已然又何怪乎今日也若夫萬壽誕辰元會殷
禮或有嘉淑或逢慶喜天子乃御正殿負黼宸冠通天

佩玉璽廣樂翹襟升歌耳正位南面垂拱北辰受萬國
之圖籍膺四海之貢珍日月袞旒星辰簪笏水蒼佩珩
山龍黼黻遠邇又間左右雙闕其餘髮首貫胸穴處鼻
飲非冠帶之倫者莫不棧山航海膜拜匍伏蹶角稽首
而來賓南綏宸宇北極空峒東至太平西至太蒙是以
珍禽異獸奇物善馬自周王會之所載顏師古之所圖
無不充物于府廩結轍于象胥也若乃一陽初復天子
有事于園丘于是乃宿齋戒竭精誠崇質樸貴內心躬
九獻奏八音孤竹之管雲和之琴通燿火燎芳薪紫烟
游冠青雲配太祖邁思文神之出眷宗子歆豆登錫繁
祉又如祖陵鬱鬱王氣所鍾春雨秋露享祀必躬于是
發鯨魚鯉鯢鏞采雲罕駕虬龍奉聖母偕六宮陳園薄
盛國容侍從如雲旌紛如虹符彩耀輝洪洞朗天神魚
舞河榮光泛川陟降松楸楸然怵惕肅然悽愴獨太祖
神靈之遠棲望橋山而緬然興想又如校車徒以講武
躬萬乘而大閱司馬戒期軍容具設輜車霆擊炮火虹

起奔電驅遠風駭繁弱之弓忘歸之矢既分營而列陣
亦簡力而程能蓋所以張皇六師而撫安萬靈者也肇
考卜而至今何篤慶而寢昌紫氣浮乎陵寢祥光燭于
庭皇乘利見而定天保欽晴福而祝華封獲豈同于寶
難夢多協乎惟熊天瑞降而地符升景星耀而甘露零
十聖濟治代光紹明嗟乎地靈人傑氣化有常是以頸
處險而瘞齒居晉而黃龍龜必靈于河洛鸞鳳必鳴于
高岡原幽燕之地高光爽塏實為沃壤神京故能奔走
六合居重制輕君身以強固主德以清明其視江左風
流之地浮薄柔軟若瑤楫玉弧不可以涉險而及遠也
大哉乎皇都允矣黃唐之居四方之極願主上思祖宗
創業之艱難益增修令德以固皇圖于萬億陽秋館

集

原揚雄幽州牧箴 蕩蕩平川惟冀之別北阮幽都戎

夏交偪伊昔唐虞實為平陸周末薦臻迫于獯鬻晉溺
其陪周使不徂六國檀權燕趙本都東限濊貊羨及東

胡強秦北排蒙公域壇大漢初定介狄之荒元戎屢征
如風之騰義兵涉漢徂我邊萌既定且康復古虞唐盛
不可不圖衰不可或忘隄潰蟻穴器漏鉞芒牧臣司
敢告侍旁藝文類聚

原鄧林皇都大一統頌天作神京山河鞏固聖皇宅
之永隆寶祚大明啟運定鼎金陵皇上繼統再營北京
維彼金陵俯臨淮甸龍飛渡江洪基肇建維此北京冀
或堯封龍潛舊邸王氣所鍾昔在太祖心存北顧允惟
聖王是簡是副聖皇文武謨烈祇承聿追來孝聿觀厥
成歲在丁酉星中營室正于四方元龜告吉工師効力
山川獻材四方和會庶民子來爰法天經爰因地義斷
自宸衷率由舊制迺營三殿三殿堂乃立九門九門
將將乃築國丘乃除方澤父天母地于焉昭格乃嚴廟
社乃定市朝規模位置秩焉有條龍樓中屹鳳闕前峙
禁城萬堆邦畿千里乃廊阿閣玉戶金鋪赫然壯觀偉
矣宏模府第星羅廬井櫛比萬象一新兩京駢麗歲在

辛丑告厥成功元日甲子帝御九重虎衛嚴宵難人報
曉雨露頒恩絲綸下詔萬國執玉八蠻貢琛天下一統
臣民同心洪惟聖皇與天合德營此北京象彼北極維
北有極環拱衆星維北有京包舉八瀛洪惟聖皇德備
文武郡縣南交衣冠朔土洪惟聖皇治備聖神六合為
家一視同仁拜手稽首聖皇萬年博厚配地高明配天
日長與地同久
拜手稽首聖皇萬年博厚配地高明配天日長與地同久
河帶礪聖子神孫本支百世簡編有紀金石宜鐫臣作
頌章永世其傳
退菴集

原邨經入燕行
南風綠盡燕南草一桁青山翠如掃
驪珠畫擘滄海門王氣夜寒居庸道魚龍萬里入都會
瀕洞合沓何擾擾黃金臺邊布衣客拊髀激歎肝膽裂
塵埃滿面人不識骭髀偃蹇虹霓結九原喚起燕太子
一樽快與澆明月英雄豈以成敗論千古志士推奇節
荆卿雖云事不就氣壓咸陽與俱滅何如石晉割燕雲
呼人作父為人臣偷生一時快一已遂使王氣南北分

天王幾度作降虜，禍亂哀哀開其源。誰能倒挽析津水，與洗當時晉人恥。崑崙直上尋田疇，漠漠丹青跨箕尾。

陵川集

原宋本燕都詩

拋卻漁竿滄海邊，拂衣來看九重天。

畫闌幾曲橋如月，綠樹千門雨似烟。南國佳人王幼玉，中朝才子杜樊川。紫雲樓上如澠酒，孤負春風二十年。

繡錯繁華徧九衢，上林初賦漢西都。朱門細婢金條脫，紫禁材官玉鹿盧。萬里星辰開上界，四朝冠蓋奠皇圖。

東隣白面生紈綺，笑殺揚雄卧一區。虛溝曉月墮蒼烟，十二門開日色鮮。海上神山無弱水，人間平地有

釣天寶。幢珠珞瞿曇，奇豪竹哀絲。玳瑁筵春雨，如膏三萬里。盡將蒿呼祝堯年，形勢全燕擁地靈。梯杭萬國

走王城，狗屠已仕明天子。牛相寧知別太平，元武勾陳騰王氣。白麟赤雁入新聲，近來朝報多如雨。不見河南

召賈生，至治集

原宋裴詩

萬戶千門氣鬱葱，漢家城闕畫圖中。九關

上徹星辰界三市橫陳錦繡叢玉盃金盃丞相府珠幢
寶剎梵王宮遠人縱睹爭修貢不用雕戈塞徼通豪
傑紛紛白玉京汗顏血指戰功名九重見帝多因鬼萬
里封侯不用兵肥馬塵深心獨苦鮒魚波涸事難平西
山小隱烟羅暗依舊春犁趁雨耕風物鮮妍飾禁城
豪家戚里競留情花圍錦幄清明宴香擁珠樓乞巧棚
叱撥馬控金轡具幘幪車颺繡簾旌他年定擬持鉛槧
細數繁華紀太平流珠聲調錦琵琶韋曲池臺似館娃
羅袖舞低楊柳月玉笙吹綻綻牡丹花龍頭瀉酒紅雲
灩象口吹香綠霧斜却笑西隣蠹書客牙籤湘帙費年

芊蕪石集

原劉崧早春燕城懷舊詩金水河枯禁苑荒東風吹
雨入宮牆樹頭槐子乾未落沙際草芽青已黃北口晚
陰猶有雪蘄門春早漸無霜城樓隱映山如戟茄鼓蕭
蕭送夕陽宮樓粉暗女垣歇禁苑塵飛輦路移花外
斷橋支屬蟲花間壞壁綴果恩酒坊當戶懸荷葉兵壘

綠渠插柳枝不見當年歌舞地空餘松柏鎖荒祠
內蒼生困亂離宮中舞女闌腰肢金渠水暖龍船出彩
檻花香翠輦移松樹盤空皆偃蓋柳枝拂地更垂絲迷
樓不獨江都恨烏窠龍沙更可悲
原王廷相帝京詩 帝京南面俯中原王氣千秋湧薊
門渤海東波連肅慎太行脊引崑崙九皇天運坤維
奠萬國星羅北極尊堯舜昇平見今日按圖形勝不須
論 家藏集

原吳國倫燕京篇 擬賦燕京勝三都未足誇霸圖雄
雁塞古戍扼龍沙北谷回陽令西山擁帝家天平恒嶽
迴地險薊門賒秦楚慚雞口侯王屬犬牙重城開御氣
雙闕倚明霞芳樹華陽館高臺易水涯談天曾碣石望
海即瑯琊帶甲環三輔梯航走八遐風雲森劒佩雨露
足桑麻紫陌新豐酒紅樓宛落花輕塵飛白練旭日麗
青燭雪色并兒劍星杓漢使槎羽林矜節俠戚里競紛
奢接軫超長樂揚鞭過狹斜悲歌聞擊筑斤垓警鳴笳

七校傳清輝諸陵望翠華豎儒何寂寞抱影獨長嗟
瓶甄洞稿

原陶望齡帝京篇地軸幽燕壯星辰北極尊向明開
帝服面勢敞天門天門帝服何雄麗到處烟花夾朱第
崔嵬古臺黃金築迢遞離宮白玉砌儲胥百萬護嚴更
十二交衢繞鳳城見啟北門封將校新開左掖召儒生
連艘千里吳陵粟擐甲三營突騎兵旗亭分隊起輦路
入雲平揭車隱隱闐街轉流汗窮冬氣猶高說劍相邀
過慶卿談天何處逢鄒衍走馬東門繡陌新角弓珠彈
鬬芳春曾持紫綺裁行帳共肩梅檀作遠塵七貴豪奢
何不有材官導前蹶張後蘭錡分將御仗陳椒房自合君
恩厚董家小兒元賣珠霍氏大奴公使酒榮華銷落須
史事盛滿尋常多怨忌但見交遊去翟公空傳丞相過
車騎由來破甑難重炊由來素髮難復緇千金處囊意
氣盛一朝脫手為人欺君看世事共如此獨傍悲歌高
漸離歌庾集

原徐燧帝京篇 文皇定鼎都燕冀三輔黃圖誇壯麗
九重宮闕何嵯峨我百二山河咸拱衛五鳳高樓逼太清
六龍御宇泰階平曠曠曉日升金闕縹緲紅雲擁玉京
玉京金闕倚天開隱隱鑒輿複道來雲迷翠輦依龍宸
露滴金莖泛羽杯平明長樂鐘聲響九天日月開仙仗
豈史臺中曉聽烏虎賁階下朝鞭象月照彤墀環珮齊
風生青瑣旌旗颺高臺突兀比章華上苑紆迴同博望
我家京洛何煌煌山河錦繡鞅隋唐反舌文身俱稽顙
雕題黑齒盡梯航三載公車計偕吏嚴樂鄒枚乘傳至
黃紙承恩金馬門綠衣賜宴慈恩寺勅賜當街上五花
金鞭絡繹更堪誇市中春色濃如錦身上宮袍爛似霞
粧臺髣髴層雲裏粉白蛾黃魚皓齒怯寵翻令女伴憎
承歡却得天顏喜更有中涓美少年朱顏白哲珥貂蟬
雷庭解唱霓裳曲出直常揮碧玉鞭一代豪華稱此里
回天轉日誰能比薄暮酣歌閭闔門平明取醉新豐市
繁華三五上元燈蜀錦吳綾結作綰任從玉漏催銀燭

מלך המלכות

鈔定四庫全書

卷七

頻聞寶鴨熏漏聲忘却銅龍曉春來春去自年年聽盡
笙歌與管絃但知芳草春風滿誰識鶯花歲序遷自古
奢華豈能久轉眼紅顏成白首往日堂前罷異花于今
門外生哀柳世事悠悠未可知桑田滄海須臾期金張

許史今何處富貴驕奢空爾為慢亭集

增李攀龍燕京篇燕京豪俠地杯酒為君陳雙關西

山下諸陵北海濱薊門行雨雪黍谷變陽春騎行初臨

碣荊軻故入秦黃金來駿馬白壁舊佳人定鼎從先代

千年正紫宸滄溪集

補李益幽州詩征戍在桑乾年年薊水寒殷勤驛西

路此去向長安萬首唐人絕句

補李源道燕中懷古詩燕王墓上草離離郭隗臺前

對落暉戰國山川秋氣壯中原豪傑曉星稀乾坤納納

無人識南北年年有雁飛說與盧溝橋畔柳安排青眼

送人歸元詩體要

補孟思詩箕尾分星野軒轅肇帝墟燕山蟠王氣瀛

海帶宸居西北鏡兵馬東南富國儲太平茲樂土非夢
亦華胥 龍川集

補陳泰朔方歌 朔方大野何寥哉悲風慘慄從天來
初如巨壑吼陰浪忽似晴空打怒雷嚴風吹霜石為裂
浙滙飛沙砭人骨萬里書生二十餘匹馬來為朔方客
朔方之人膽如斗不鬪才華鬪身手無復悲歌慷慨聲
猶能使氣屠雞狗憑高仰視太行山山氣空濛紫氣間
東西日月自吞吐今古烟雲相往還太行勢盡西山起
鳳舞龍蟠聳神偉昨夜燕山雪作團散落飛花漢宮裏
朔方猛士氣凌雲白首防邊未策勲馬上相逢淚如瀉
嗟我何為朔方野 所安遺稿

補程旦幽燕行 太行亘西天薊門控東海山川何雄
深烈士多慷慨千里重然諾九死志無悔憶昔荆軻子
英風赫如在醉挽高漸離悲歌燕市間旁觀若無人乃
復涕汎瀾太子罷避席頃刻不遑安朝送易水歌夕入
函谷關秦王殿上走羣臣仗下諠把袖志莫遂負劍已

喪元立名輕其身報德安足言至今少年者甲騎獵平
原結客澤沱陰剽吏長安道殺人若刈麻攫金如糞草
鼓鐘宴達旦終歲常醉飽自視
尺軀焉能牖下老
新都秀運集

欽定日下舊聞考卷七

欽定日下舊聞考卷七舉正

代馬引遼豹尾在後原書代訛作誕遼訛作鴈尾訛

作馬今據賦彙改

或時泰
北京賦

蒙公域堦原書公字係闕文今據揚雄集增

欽定四庫全書
欽定日下舊聞考卷七舉正

欽定四庫全書

欽定日下舊聞考卷八

形勝

四

臣等謹按自金明昌中始有燕山八景之目元明以來著詠頗多恭讀

御製燕山八景詩並

疊舊作韻煌煌乎如鐘律之載賡星雲之相映玉泉酌
突一條復邀

審裁釐定祛舊說之傳譌表靈淵之威沸瞻仰

奎文足使林泉增色矣第原書中八景散見各門檢閱
未便今謹總彙合一載入形勝門以便循覽而備
形勝之大全焉

補自宋員外迪以瀟湘風景寫平遠山水一幅一時觀
者留題目為瀟湘八景南渡詩人若陳允平衡仲張樂
叔安周密公謹奚減倬然皆有西湖十景詞而北平舊
志載金明昌遺事有燕京八景元人或作為古風或演

為小曲所謂八景者居庸疊翠玉泉垂虹太液秋風瓊
島春陰蓊門飛雨西山積雪盧溝曉月金臺夕照是已
至永樂間館閣諸公相集倡和更蓊門飛雨為蓊門烟
樹和者相屬因而十室之邑三里之城五畝之園以及
琳宮梵宇靡不有八景詩矣

寄園寄
所寄錄

增

御製燕山八景詩 瓊島春陰 瓊華瑤島鬱嵯峨春
日輕陰景色多雲護鳳樓松掩映瑞凝仙掌竹婆婆低

臨禁苑滋苔蘚遠帶却畿蔭麥禾更向五雲最深處好
風時送九韶歌 太液秋風 秋到宸居爽籟生玉湖
澄碧畫橋橫荷風晚送殘香氣竹露涼敲綠玉聲翠合
三山連閬苑波涵一鏡儼蓬瀛由來禁籞林泉好行樂
還同萬物情 玉泉垂虹 湧湍千丈落垂虹風卷銀
濤一望中聲震林梢趨衆壑光浮練影掛長空跳波激
石珠丸碎濺沫飛花玉屑紅自此恩波流處處公田時
雨澤應同 西山晴雪 銀屏重疊湛虛明明朗朗峯頭

對帝京萬壑晶光迎曉日千林瓊屑映朝晴寒凝澗口
泉猶凍冷逼枝頭鳥不鳴只有山僧頗自在竹爐茗椀
伴高清 薊門煙樹 蒼茫樹色望中浮十里輕陰接
薊邱垂柳依依村舍隱新苗漠漠水田稠青蔥四合鶯
留語空翠連天雁遠遊南望帝京佳氣繞五雲飛護鳳
凰樓 盧溝曉月 蘭若霜鐘斷續鳴盧溝曉月正西
橫蒼烟淡接平蕪迴曙色纔分遠水明傍岸人行聞犬
吠颯波風動見魚驚車馳馬驟長安道何限低徊旅宦

情 居庸疊翠 居庸天險列峯連萬里金湯固九邊

雄峻莫誇三峽險崎嶇疑是五丁穿嵐拖千嶺浮佳氣
日上羣峯吐紫烟威世祇今無戰伐投戈戍卒藝山田

金臺夕照 燕臺遙望澹烟濛返照依希禁籞東是
處人家圖畫裏一川風景夕陽中溪頭棹響歸漁艇牛

背簫聲過牧童千古望諸留勝蹟幾回憑弔向西風

增乾隆十六年

御製燕山八景詩疊舊作韻 瓊島春陰 承光殿之

北孤嶼瞰臨北海相傳為遼之瓊華島上多奇石宋艮
嶽之遺金人輦致於此今為永安寺悅心其便殿也

艮嶽移來石炭義千秋遺蹟感懷多倚巖松翠龍鱗蔚
入牖篲新鳳尾娑樂志詎因逢勝賞悅心端為得嘉禾
當春最是耕犁急每較陰晴發浩歌 太液秋風 太

液池在西苑中亘長橋列二華表曰金鰲玉螭北為北
海南則瀛臺西京賦所稱滄池溝沔列瀛洲夾蓬萊者
方斯蔑矣 微見商颺蘋末生鏡瀾玉螭影中橫非關

細雨頻傳響何事平流忽有聲
夾入金行闔闔表波連
瑤渚趨臺瀛高秋文宴傳佳話
已覺犂然今昔情
玉泉趵突
西山泉皆狀流至玉泉山勢中豁泉敲躍而出
雪湧濤翻濟南趵突不是過也向之題八景者目以
垂虹失其實矣爰正其名且表為天下第一泉而為之
記
玉泉昔日此垂虹史筆誰真感慨中不改千秋翻
趵突幾曾百丈落雲空廊池延月溶溶白倒壁飛花淡
淡紅笑我亦嘗傳耳食未能免俗且雷同
西山晴雪

帝貫酒于何少黃土埋人即漸稠牽客未能留遠別聽

鷗誰解作清遊梵鐘欲醒紅塵夢

覺生寺大鐘在此北

斷續常飄

雲外樓 盧溝曉月 盧溝河即桑乾河水黑曰盧故

以名之橋建於金明昌初長二百餘步由陸程入京師

者必取道於此 茅店寒雞呖嚶鳴曙光斜漢欲參橫

半鈎留與三秋淡一竦分波夾鏡明入定衲僧心共印

懷程客子影猶驚邇來每踏溝西道觸景那忘黯爾情

易州建 秦陵

來往必由之道

居庸疊翠 居庸為九寨之一見

于呂覽淮南子其跡最古酈道元謂崇墉峻壁山岫層
深路才容軌為得其實云 斷戍顏垣動接連當時徒
說國防邊洗兵玉壘曾無藉守德金城信不穿泉出石
鳴常帶冷日含峯暖欲生烟鳴鞭阿那羊腸道可較前
茲獲有田 金臺夕照 黃金臺見志乘者有三一在
易州都城有其二輿地名勝志云在府東南十六里又
有小金臺相去一里今朝陽門東南巋然土阜好事者
即以實之所傳古蹟大率類是 九龍妙筆寫空濛

石渠

實發有王級燕
山八景圖真蹟
疑似荒基西或東要在好賢傳以久何

妨存古託其中豪詞賦驚誰過客博辯方孟任小童遺
跡明昌重校檢畢然高望想流風

臣
等謹按燕山八景

御製疊舊作韻內

釐定玉泉趵突一條永資垂信今敬謹編輯卷內其有
節年分詠各題之什茲不具錄

補胡廣北京八景圖詩序
明昌遺事有燕京八景前
代士大夫賦詠往往見於簡策聖天子肇建北京為萬

方會同之都車駕巡行文學之臣多列扈從翰林侍講
兼左春坊左中允鄧緝仲熙曰昔之八景偏於一隅猶
且見於歌詠吾輩幸生太平之世為天子侍從臣以所
業而從遊於此縱觀神京鬱蔥佳麗山川草木衣被雲
漢昭回之光昔與今又豈可同觀哉烏可無賦以播於
歌誦衆咸曰然遂命曰北京八景問更其題一二仲熙
作詩為倡於是繼賦者國子祭酒兼翰林侍講胡儼若
思右春坊右庶子兼翰林侍講楊崇鉉仁右春坊右諭
德兼翰林侍講金善幼致翰林侍講曾榮子翰林環崇
璧翰林修撰兼右春坊右贊善梁潛用之翰林修撰王
洪希範王英時彥王直行儉中書舍人王紱孟端許翰
鳴鶴暨廣凡十有三人得詩一百二十四首乃寫為圖
并集諸作置各國之後裝為一卷歲於篋笥他時歸老
優游江村林屋之下展而觀之撫其景誦其詩豈無玉
堂天上之思與夫生平出處交遊之感耶胡文穆集
增楊崇鉉北京八景卷後余嘗考天下山川形勝雖

偉壯麗可為京都者莫過於金陵至若地勢寬厚關塞險固總據中原之夷曠者又莫過於燕薊雖云長安有靖函之阻洛邑為天地之中要之帝王都會為億萬年太平悠久之業者莫金陵燕薊若也昔太祖以金陵龍蟠虎踞長江天塹遂定都焉皇上繼承大統又以燕薊左環滄海右擁太行內跨中原外控朔漠宜為天下都會乃詔建北京及今十有餘年車駕凡兩巡狩崇以翰林既嘗歷觀金陵之勝今復忝扈從得以徧閱北京山川之概退而與諸僚友討論莫不稱嘆以為斯文千載之奇逢也既而翰林學士胡君光大偕侍講鄒君仲熙考求其跡以昔人有燕山八景之作而簡策無聞今天下一統建都於茲不可無賦詠以播于無極於是仲熙偶為北京八景之詩光大兩和其韻而又序之僚友同賦者凡十三人榮亦廁名其間抑何幸哉竊自幼時嘗聞地誌考其山川形勝心目為之開明精神為之飛動思欲遨遊覽觀而不可得及今得以循歷兩京又屢

承上命奉使西北由江淮道大梁洛邑踰關中以達玉
關之外及兩率師出塞北至極漠西抵和林觀兩京之
地王氣所鍾實為天下形勝之最東西南北道里適均
真足以控制萬方而為萬世磐石之安也茲以北京八
景圖并詩裝潢成卷舉足跡所至書於卷末且以諸景
所以得名者疏於各題之後誠非欲誇耀於人人將以
告夫來者俾有所考則不惟知天下山川形勝之重而
人有以知八景所在如目親觀有若余輩之菲薄叨承
國家眷遇之厚樂其職於優游得以歌詠帝都之勝於
無窮者皆上賜也然則觀於是者豈無感發興起以自
奮於明時者哉姑書此於末
簡以誌歲月云 楊文敬集

增瓊島在皇城西北苑中下瞰池水環以堆堞地勢坡
陀疊石為山磬宕磊砢層疊而上石磴陰洞縈紆蔽虧

喬松古檜深翳森蔚隱然神仙洞府也謂之大山子山
頂有廣寒殿殿之四隅各有亭左二亭曰玉虹方壺右
二亭曰金露瀛洲山半有三殿中曰仁智東曰介福西
曰延和其下太液池前有飛橋以通儀天殿東有石橋
以通瓊林苑山之上常有雲氣浮空氣氤氲五采郁郁紛
紛變化翕忽莫測其妙故曰瓊島春雲

燕山八景
國詩序

原陳孚瓊島春陰詩 一峯亭亭湧寒玉露華不墮搖
草綠朱樓千里星漢間天風吹下瑩韶曲萬年枝上擲
葉滿小鳳依依繞龍管金根曉御翠華來三十六宮碧
雲暖

觀光集

增明楊崇璽島春雲詩
暖雲生乍經樹杪和烟濕
浮玉殿常時綠網護金莖
樂治平燕山八景圖詩
從龍處處施甘澤四海謳歌

增明金幼孜瓊島春雲詩
雲接下方隔水樓臺通御氣
輦霓旌濕海上傳書鶴夢長
文遜五色殿頭常得近清光
蓮策東望近扶桑
同日上龍
草樹發天香
花間駐

增太液池在城之右東瞰瓊華島而西北南三面極深

廣芰荷菱芡舒紅卷翠魚躍鳥浮上下天光真勝景也

東南有儀天殿中架長橋以通往來又有土臺松檜蒼
蒼然天氣清明日光滉漾而波瀾連漪清徹可愛故曰

太液晴波

燕山八景
圖詩序

臣等謹按元一統志八景内有太液秋波明人亦

曰晴波後改為太液秋風仰荷

宸章屢經題詠益昭畫一矣

又按瓊島太液池殿亭制度及名額凡經

本朝更定者皆詳

宮室門西苑條下茲不復綴

增明楊榮太液晴波詩
太液晴涵一鏡開
溶溶漾漾
自天來
光浮雪練明
金闕影帶晴虹繞
玉臺蘋藻搖風

仍蕩漾龜魚向日共徘徊
蓬萊咫尺滄溟上瑞氣氤氲
接上台燕山八景圖詩

增明金幼孜太液晴波詩
禁苑香風散紫埃晴波漾
日自泓洞天光下映銀潢淨雲影遙涵玉鑑開舊日曾
隨仙仗到幾時還載酒船回從知弱
水通三島應有身仙獻壽來同上

增玉泉在宛平縣西北三十里山有石洞三一在山之
西南其下有泉深淺莫測一在山之陽泉自山而出鳴
若雜佩色如素練澄泓百頃鑑形萬象莫可擬極一在
山之根有泉涌出其味甘冽洞門刻玉泉二字山有觀
音閣又南有石岩名呂公洞其上有金時芙蓉殿廢址

相傳以為章宗避暑處以茲山之泉逶迤曲折蜿蜒然

其流若虹故曰玉泉垂虹

燕山八景
圖詩序

臣等謹按玉泉垂虹之稱蓋鄒緝楊榮輩相延舊

說一時倡和不免耳食之談恭讀

御製玉泉山天下第一泉記並經

審裁釐定玉泉趵突之名今謹錄卷內

增

御製玉泉山天下第一泉記 水之德在養人其味貴

甘其質貴輕然三者正相資質輕者味必甘飲之而竭
病益壽故辨水者恒於其質之輕重分泉之高下焉當
製銀斗較之京師玉泉之水斗重一兩塞上伊邈之水
亦斗重一兩濟南珍珠泉斗重一兩二釐揚子金山泉斗重
一兩三釐則較玉泉重二釐或三釐矣至惠山虎跑則
各重玉泉四釐平山重六釐清涼山白沙虎邱及西山
之碧雲寺各重玉泉一分是皆巡蹕所至命內侍精量
而得者然則無更輕於玉泉之水者乎曰有為何泉曰

非泉乃雪水也常收積素而烹之較玉泉斗輕三釐雪
水不可恒得則凡出山下而有冽者誠無過京師之玉
泉昔陸羽劉伯芻之論或以廬山谷簾為第一或以揚
子為第一惠山為第二雖南人享帚之論也然以輕重
較之惠山固應讓揚子具見古人非臆說而惜其不但
未至塞上伊邈並且未至燕京若至此則定以玉泉為
天下第一矣近歲疏西海為昆明湖萬壽山一帶率有
名泉溯源會極則玉泉實靈脉之發皇德水之樞紐且

質輕而味甘廬山雖未到信有過於揚子之金山者故
定名為天下第一泉命將作崇煥神祠以資惠濟而為
記以勒石夫玉泉固趵突山根蕩漾而成一湖者詩人
乃比之飛瀑之垂虹即予向日題燕山八景亦何嘗不
隨聲云云足見公論在世間誣辭亦在世間籍甚既成
雌黃難易泉之於人有德而無怨猶不能免訛議焉則
挾德怨以應天下者可以知懼抑亦可以不必懼矣

原陳孚玉泉垂虹詩 雪波碧擁千崖高落花點點浮
寒瑤日斜忽有五采氣飛上太空橫作橋古寺殘鐘塔

鈴語回首前村猶急雨輕綃欲剪一幅秋入逐西風過
南浦觀光集此條原在鄧垌門今移改

增明金幼孜玉泉垂虹詩宛宛垂虹引玉泉紫岩出
澗淨娟娟細通樹底映初日遙轉湖陰涵遠天魚動翠
紋生雨後鷗翔細浪起風前源源自
是歸滄海添作恩波遍九埏同上

原西山來自太行連岡疊岫上千雲霄挹抱迴環爭奇
獻秀值大雪初霽凝華積素若屑瓊雕玉千巖萬壑宛

然圖畫

戴司成集

原西山諸蘭若白塔無慮數十與山隈青靄相間流泉
滿道或注荒池或伏草逕或散漫塵沙間春夏之交晴

雲碧樹花香鳥聲秋則亂葉飄丹冬則積雪凝素信足

賞心而雪景尤勝

長安客話

以上二條原在鄧桐門今移改

增明楊榮玉泉垂虹詩一派清冷蟬蛩應涵雲浴霧
自年年聲迴曉閣鳴清佩影落秋崖濕紫烟石罅轉來
幽澗裏瑶池分出御橋前汪洋長此恩波潤萬古東流
會百川燕山八景圖詩

原陳孚西山積雪詩凍雀無聲庭檜響冰花洒簷大
如掌平明起視巖壑間揮天瓊瑤一千丈夕陽微漏光
差我倚欄更覺爽氣多雲間落葉有徑否想見樵叟披
青蓑觀光集

原元無名氏西山晴雪折桂令詞玉崖我高躋神京
峭壁排銀疊石飛瓊地展雄藩天開圖畫戶列圍屏分
曙色流雲有影凍晴光老樹無聲醉眼空驚樵子歸來
蓑笠青青太平樂府以上二條原在鄧桐門今移改

增明楊蒙西山霽雪詩 西山日上雪初晴素壁銀屏
萬疊明高樹迎風霏玉屑小橋流水澀琴聲恍疑滄海
通三島絕似崑崙見五城但使年年足豐稔桑麻燕雀
遂生成 燕山八景圖詩

增明金幼孜西山霽雪詩 海上雲收旭景新連峯積
雪淨如銀晴光迤入千門晚淑氣先回上谷春瑤樹生
輝寒已散瓊林消凍暖偏勻玉堂相
對題詩好移席鉤簾坐夕曛 同上

增薊門在舊城西北隅門之外舊有樓館雕欄畫棟凌
空縹緲遊人行旅往來其中多有賦詠今並廢而門猶
存二土阜樹木蓊然蒼蒼蔚蔚晴烟拂空四時不改故

曰薊門烟樹

燕山八景
圖詩序

原陳爭前門飛雨詩 黑雲如鴉漲川谷雲湧電躍風折木半天萬點捲海來森森映窓如銀竹鳳城無數笙歌樓珠簾半捲西山秋誰知羈客家萬里一燈正掩寒衾愁 觀光集

原楊榮蘭門烟樹詩 前門春雨散浮埃烟樹濕深靄欲開十里清陰連紫陌半空翠影接金臺東風葉暗留鶯語落日林深看鳥迴記得清明攜酒處碧桃花底共徘徊 楊文敏集

原金幼孜前門烟樹詩 野色蒼蒼接前門淡烟疎樹碧氤氳過橋酒幔依稀見附郭人家遠近分翠雨落花行處有綠陰啼鳥坐來聞玉京盡日多 以上三條原在佳氣縹緲還看映五雲 金文靖集 郊垌門今移改

臣等謹按前門烟樹元一統志作前門飛雨明楊

榮等倡和詩始改烟樹陳爭作蓋仍其舊也

原盧溝本桑乾河俗曰渾河在都城西南四十里有石橋橫跨二百餘步橋上兩旁皆石欄雕刻石獅形狀奇巧金明昌間所造兩崖多旅舍以其密邇京師驛通四海行人使客往來絡繹疏星曉月曙景蒼然亦一奇也

戴司
成集

原盧溝曉月為畿輔八景之一

破夢
問埠

原陳孚盧溝曉月詩
長橋彎彎
海鯨河水不漲冰
崢嶸遠
離數聲
燈火
香殘
蟾猶映
長庚橫
道上
征車鐸
聲急
霜花如錢
馬鬣濕
忽驚沙際
金影搖
白鷗飛下黃
蘆立
觀先集

原趙寬題盧溝曉月圖詩 銀河半落長庚明城高萬
戶喧雜聲長橋卧波藍背聳上有車馬蕭蕭行蒼烟淡
接平蕪迴沙際朦朧見人影舉頭一望天宇高殘月蒼
蒼在西嶺 半江集 以上四條原在郊垌門今移改
增明楊榮盧溝曉月詩 河聲流月漏聲殘咫尺西山
露裏看遠樹依稀掃雲影淡疎星寥落曙先寒石橋馬跡
霜初滑茅屋雞鳴夜政闌北上已看京闕近五雲深處
是金鑾 燕山八景圖詩

增明金幼孜盧溝曉月詩 盧溝者看出桑乾月照河
流下石灘茅店雞聲斜漢曙江沙雁叫早霜寒水光微
帶山烟白野色遙連塞草殘千古長
橋枕南北憶曾題柱倚闌干 同上

增居庸去北京九十里在昌平縣西北三十里關之中
延袤四十餘里兩山夾峙一水旁流騎通連駟車行兼

輒先入南口過關入北口關中有峽曰彈琴道旁有石
曰仙枕兩崖峻絕層巒疊翠又有石城橫跨東西兩山
南北設二門敵臺十二置軍衛以守之淮南子云天下
有九塞居庸其一焉南眺臨軍都亦謂之軍都山以茲

山蒼翠秀麗故曰居庸疊翠

燕山八景
圖詩序

原陳孚居庸疊翠詩 斷崖萬仞如削鐵鳥飛不度山
石裂蒼莪老樹無碧柯六月太陰飛急雪寒沙茫茫出
關道駭駭夜吼黃雲老征鴻一聲起長空風吹草低山
月小 觀光集 此條原在邊障門今移改

增明楊崇居庸疊翠詩 羣山聳列勢崢嶸日照峯巒
積翠明高出烟霞通絕塞低圍城闕擁神京休論函谷

雙崖險絕勝匡廬九疊橫
危從常時經此處坐看天際
白雲生
燕山八景圖詩

增明金幼孜居廬疊翠詩
截窠天闕復幾重龍飛風
翥勢偏雄千山黛色落平
野萬里烟光明遠空峽口
人行春雨外樹邊烏度夕
陽中北巡記
得隨鸞馭曾上雲間第一
峯同上

增金臺有三處並在易州易水東南去縣三十里者曰大金臺今在大興縣境去縣東南十六里者曰西金臺去縣東南一十五里者曰小金臺昔燕昭王尊郭隗築宮而師事之置千金于臺上以延天下士遂以得名其後金人慕其好賢之名亦建此臺今在舊城內後之遊

者往往極目于斜陽古木之中徘徊留戀以寄其遐思

故曰金臺夕照

燕山八景
圖詩序

補春秋後語燕昭王曰安得賢士以報齊讐郭隗曰王
能築臺于碣石山前尊隗為師天下賢士必自至也王
如其言作臺以金玉崇之號黃金臺述異記臺在幽州
燕王故城中上谷圖經臺在易水東南十八里其說不

同

草堂
詩箋

原林環金臺夕照詩 高臺曾記置黃金人去臺空碧
草深落日未窮千里望青山遙映半城陰雁將秋色來

平野彩帶寒光過遠林昭代賢才登用盡不須懷古動
長吟 絢齋集 以上二條原在邵炯門今移改


增明楊榮金臺夕照詩 猶攜尊酒上金臺尚想當時
國士來落木千章寒日下長空萬里暮雲開春風寂寂
飛桃李夜雨瀟瀟瘞草萊却笑一時空買骨只今才駿
總龍媒 燕山八景圖詩

增明金幼孜金臺夕照詩 迢遞高臺近日邊倘來登
覽尚依然萬家禾黍秋風外十里旌旗落照前遠郭砧
聲來杳杳平原歸騎去翩翩黃金漫說能招士千載猶
傳郭隗賢 同上

補司馬光燕臺歌 萬古蒼茫空感哀燕臺賢客姓名
誰君看碣石崑中草寧似昭王擁簪時 傅家集

補王惲望黃金臺歌 君不見孔子修春秋二百四十
有二年燕人歎血纔一見下逮戰國尤茫然惟南聲教
恥不與苦羨齊魯多英賢黃金不惜築此臺當時何限
郭隗才政緣市駿售其骨雲烟轉盼龍媒來古稱得士

國無小甘棠世業如天開悲風蕭蕭易水暮往事不復
令人哀昭王之名傳永世黃金高臺安在哉
秋澗集



欽定日下舊聞考卷八

欽定四庫全書

史部

欽定曰下舊聞考卷九至十一

詳校官庶吉士臣胡鈺

檢討臣德生覆勘

總校官進士臣程嘉謨

校對官舉人臣李傳燮

謄錄監生臣陸昌曾

欽定四庫全書

欽定日下舊聞考卷九

國朝宮室

臣等謹按從來立國者必首隆廟社之規崇建闕
廷之制所以象辰極撫寰區昭誠敬而敷化理典
綦鉅也洪惟

世祖章皇帝定鼎燕京順治元年肇定

大清門名額有若

殿

廟

宮

闕制度皆丕振

鴻謨因勝國之舊而斟酌損益之聲靈赫濯炳耀維新

聖祖仁皇帝

世宗憲皇帝

聖

聖相承勤墜茨而施丹雘

皇上御極以來紹

庭繼

志凡茲

外朝

內朝營建繕葺之舉道在因時者則必

飭所司董治俾敬謹歲厥事煌煌乎肯構鴻圖創垂億

萬年之盛軌也今謹編錄

國朝宮室釐為二十卷列于原書宮室門之前而附錄
原宮室卷帙于後其有可考辨者仍于原條下一
例加按以資互證焉

正陽門之內為

大清門三闕上為飛檐崇脊門前地正方統以石闌左

右石獅各一下馬石牌各一

大清
會典

乾隆十九年

御製大清門詩

有序

我

太祖神武明哲創業開基日不暇給而勤於庶政建二
木於門俾下情欲達者書之以進

法貽百世澤永萬年

令許投書異詒箚無聲聽俾下情通古風淳靈非緣襲
謗木堯年

聖制同

臣等謹按

大清門

御製詩恭載首見之篇餘不備錄

大清門外俗稱碁盤街乾隆四十年修葺周圍石闌以

崇體制

大清門之內千步廊東西嚮各百有十間又折而北嚮
各三十四間皆聯檐通脊

大清
會典

臣等謹按凡吏兵兩部月選官掣籤刑部秋審禮
部鄉會試磨勘俱集於廊房之左右廊房之外東
為戶部米倉西為工部木倉

千步廊東接

長安左門西接

長安右門門各三闕東西嚮兩門之中南嚮者

天安門五闕上覆重樓九間彤扉三十有六為

皇城正門

大清會典

臣等謹按

天安門初仍明舊曰承天門順治八年重建改今名凡
宣布

覃恩慶典詔書於門樓上設金鳳銜而下焉乾隆十九年於

東西長安門外增築圍牆各設三座門規模尤為閎整皇城四門南即

天安門北曰地安東曰東安西曰西安

天安門前環

御河跨石梁七即外金水橋

大典會典

臣等謹按

太廟戟門外甬子河東南合

御河此係乾隆二十五年奉

諭新開水道至其由地安門東步梁橋流入者經

東安門內望恩橋流注

御河又別為一道也

外金水橋前立華表二門之內立華表二東西兩廡各

二十六間東廡正中為

太廟街門西廡正中為

社稷街門

大典
會典
大清

臣等謹按

天安門內西嚮者為

太廟街門東嚮者為

社稷街門

端門內西嚮者為

廟右門亦稱

神厨門東嚮者為

社左門

闕左門外西嚮者為

太廟西北門東嚮者為

社稷東北門

太廟在

闕左南嚮圍垣一重琉璃甃門三間左右門各一

戟門五間崇基石闌中三間前後均三出陛中九級左右七級
門內外列戟百有二十左右門各三間前後均一出陛各五級

前殿十有一間重檐階三成繞以石闌五出陛一成均四級二成均五級三成中十有一級左右九級東西廡各十有五間階均八級燎鑪二

中殿九間

後殿九間兩廡各十間

後殿東廡南燎鑪一

戟門外石橋五橋北井亭二六角閑以朱櫺橋南

神庫五間西嚮

神厨五間東嚮

廟門外之西南奉祀署三間東嚮左右房各三間垣一重門一北嚮東南宰牲亭三間前治牲房五間均西嚮垣一重門一西嚮井亭一六角閑以朱櫺西南為

太廟街門五間西北為

太廟右門三間均西嚮

大清會典則例

順治元年定

太廟時饗每歲孟春于正月上旬卜日孟夏孟秋孟冬

于朔日行禮孟春時饗如遇

祈穀齋戒之期

皇帝詣

太廟出入導迎樂均設而不作

同上

順治四年定歲除前

祫祭大建于二十九日小建于二十八日行禮

同上

乾隆元年

諭國家式崇

太廟妥侑

列祖神靈歲時祇薦明禋典禮允宜隆備今

廟貌崇嚴而軒櫺棖桷久未增飾理應敬謹相視慎重
繕修以昭黜陟示新之敬著該部會同內務府詳議具

奏欽此

同上

臣等謹按繕修

太廟于乾隆四年工竣

中殿供奉

太祖高皇帝

太宗文皇帝

世祖章皇帝

聖祖仁皇帝

世宗憲皇帝

列聖

列后神位每遇

時饗及禘祭之期恭請奉安

前殿禮成復送至

中殿供奉

後殿供奉

肇祖原皇帝

興祖直皇帝

景祖翼皇帝

顯祖宣皇帝

列聖

列后神位每歲

祫祭恭請奉安

前殿禮成復送至

後殿供奉其四孟

時饗則遣親王於

後殿行禮

大饗前一日樂部設中和韶樂于

前殿第一成階上分左右懸祭日

皇帝御祭服乘禮輿出宮內大臣侍衛前引後扈如常儀至

太和門階下降輿乘輦

駕發警蹕

午門嚴鼓法駕鹵簿前導導迎鼓吹設而不作

皇帝由

太廟街門左門入至外垣南門外神路右降輦贊引太

常卿二人恭導

皇帝由

太廟南門左門入至戟門幄次盥洗贊引太常卿恭導
皇帝由戟門左門入陞左階入

前殿左門就拜位前北嚮立典儀官贊樂舞生登歌執
事官各共廼職武舞八佾進贊引官奏就位

皇帝就拜位立廼迎

神司香官各奉香盤進司樂官贊舉迎

神樂奏貽平之章贊引官恭導

皇帝詣

太祖高皇帝香案前上香以次詣

列聖香案前上香奏復位

皇帝復位奏跪拜興

皇帝行三跪九拜禮王公百官均隨行禮奠帛爵行

初獻禮宗室司帛官奉篚司爵官奉爵各詣

列聖

列后神位前奏敕平之章舞千戚之舞司帛官跪奠帛

金匱要略卷之九
祿卿二人就東案奉福胙進至

太祖位前拱舉降立于

皇帝拜位之右侍衛二人進立于左

皇帝跪左右執事官咸跪右官進福酒

皇帝受爵拱舉授左官進胙受胙亦如之三拜興率羣

臣行三跪九拜禮徹饌奏光平之章徹饌畢太常官跪

告禮成於

神舉

還宮樂奏入平之章

皇帝率羣臣行三跪九拜禮有司奉祝次帛次香恭送燎所

皇帝轉立拜位旁西嚮侯祝帛過復位樂作祝帛燎畢奏禮成恭導

皇帝由戟門左門出

皇帝至外垣南門外神路右陞禮輿法駕鹵簿前導導迎樂作奏祐平之章

午門鳴鐘

皇帝還宮

大清會典

臣等謹按恭遇

時饗

大裕

聖駕恭詣

太廟及

還宮儀注乾隆三十六年大學士等原奏以

御製孟秋時享

太廟詩 玉斗迴旋屆指庚金輿風駕紫鸞鳴商皇禮

樂陳

清廟紉縵雲霞煥寶楹陟降儼臨

神鑒赫顯承佑啟泰階平禮成肅穆瞻霄漢何限依遲

霜露情

乾隆九年

御製孟冬時享

太廟禮成述事詩 滌志齋三宿

精裡舉質明奉時修

禴祀考樂叶韶韻馨薦忱爰託心忪禮欲成假思不可
度顓若有餘誠如在

音容感孔懷霜露情

橋山凝望處愜僊達三京

國朝舊制每于十月朔日
與京盛京燕京諸

陵

皆有
祭焉

乾隆十二年

御製孟冬時享

太廟禮成有述詩

午門鼓響散晨光

凡祭日出午門皆鳴鐘惟祭

太廟

則伐鼓

太室修烝繼履霜懷心源承

一脈躬親祭典重三王宗潢執事遵鉶肅韶樂陳庭磬
管將詎止祈年兼卜世繩繩奕禩奉其薌

乾隆十三年

御製孟冬時享

太廟詩 元英纔節屆烝祭以時將

太室卿雲煥

五朝帝烈光追思曷有極一脈永流慶制治慙成泰書

年幸告康

今歲各省告豐多而報災少用是稍慰云

惕乾心久切儀式志寧

遑愜優相通處惟祈我武揚

是時金川餘孽未靖正值命將出師故云

乾隆十六年

御製孟春時享

太廟詩 魯論欽與祭周雅詠於昭

太室脩精禴王春報始韶陟瓜縣益衍本木接非遙濟

濟趨三獻

宗廟之祀皆宗室奉爵

依依暘

九霄俊聞希

黼辰顯相肅鷄僚啟佑鴻規遠丕承仰

五朝

乾隆二十二年

御製孟冬時享

太廟禮成紀事詩

吉朔修嘗進吉蠲

假思仰冀意顯然洋如在上原一脉勿替引之於萬年
三獻禮成八佾舞小春律在五絲絃午門迎送增蘇對
外蕃貢使例于午門前迎送是日哈薩克使臣在列

祖烈今揚西海邊

乾隆二十三年

御製孟冬時享

太廟述事詩 質明祖位展虔思職事天潢式禮儀迨
遠丕綿一脉峙靖遐耆定萬年基不遲廢徹廻瞻

廟有肅冠裳列迓墀昔廁大宛令布露

去歲哈薩克來朝今年布魯特

繼至並以秋獨廻鑒携入京師適當

冬嘗大典于午門陪百官迎送

延床孰匪

祖威貽

乾隆二十四年

御製歲暮禘祭

太廟述事詩

璇璣臨歲暮

太室禘冬烝

九廟萃神爽一躬凜繼繩瞻羹惜徹饌傳火驗懸燈畢

雇祥花布

是日適逢瑞雪

天恩倍敬承

乾隆二十六年

御製孟夏有事

太廟禮成詩 撰日惟中朔協時逮正陽天經欽與祭

世德永延昌

僊見神容對駿奔宗子襄一灣引金水

先是沿明舊制戟門

外有溝橋而無水茲命引金水橋之水流經橋下成河先協形勝云

萬葉衍銀潢

通志卷之九
乾隆二十七年

御製孟冬時享

太廟詩 午門嚴左鼓

廟享致欽崇思孝奉

先切維親執事同

獻帛酒皆
宗親執事

萬年福綿奕三獻樂沖融

優愜寧常語誠知

一脈通

乾隆三十一年

御製孟夏有事

太廟述事詩

鼙鼓肅寅牌午門雨濕街

是日復雨

有顒霑

澤思

去聲

無那奉

先懷

燕翼貽庥永飀支執事皆

祭歸不作樂

凡祭祀禮成有導迎樂齋則不作

雩祀又臨齋

乾隆三十八年

御製孟冬時享

太廟禮成有述詩 齋宿舉

冬裡躬承追慕申辦香均致炷

去歲裕祭例自位上香畢迭至

中

祖

列宗前上香往返八度

慮涉瀆襲且步履亦太

多因更定儀注親詣

中位餘命誠親王率皇子等

各分上香茲孟冬時饗祇因

五位同堂仍依舊

清

例均親詣上香所謂禮以義起且均致思慕之忱

酒惜三陳宗室濟蹌助明庭禮樂彬告成更頒朔律協

海西濱

今歲頒朔憲書中增歸順土爾扈特和碩特汗王等所居之地及烏里雅蘇台附近諸部凡二

十五處

乾隆四十年

御製歲暮禋祭

太廟禮成述事詩
或問禘之答不知義最精存誠心
果篤出治掌如平

源本宗湖

祖趨蹌弟與兄

壬辰冬因予春秋已逾六十命閭部諸臣議正位躬致辨香列祖各

位則派近支諸王及皇子泰代以節繁縟內惟裕親王為朕兄餘皆弟姪及孫曾輩矣
禮成忻以

戚肯俾代而行

乾隆四十二年

御製孟秋時享

太廟禮成述悲詩 歲月迅如流忽忽屆孟秋

拊來祭斯始

自

聖母升祔以來初值時享是以親詣行禮而既虞後此為吉祭之始追憶

慈恩倍增悲慕

虞後憶從頭易吉敢違禮思

恩益結憂

禘嘗具深義夫子必從周

又

御製孟冬時享

太廟詩 每歲躬冬

享

每歲自熱河奉

聖母還駐輅春園孟冬時享

太廟必親詣行禮隔數日一往問

安迴思此

景不可復得

今年倍溯

曷勝悲慕

思豐于何敢爾

母豐于晚義莫大焉然久近之間終覺有殊亦人情之常雖聖人能異此乎

續莫大乎斯久近究情異趨踰以禮持禘嘗關治國夫

子昔言之

乾隆四十三年

御製孟冬時享

太廟禮成有述詩 陪京返時馭

清廟舉冬烝惟切奉

先思敢忘

開創曾無文六英樂

八奏

南郊樂九奏

宗廟樂六奏禮也

北郊樂

不

和太羹鐙繩繼萬年願惕乾一意兢

臣等謹按節年

時饗

祫祭

太廟

親詣行禮者俱有

御製詩謹繹有闕紀述事實者恭載卷內餘不備錄

欽定日下舊聞考卷九